

UGOVOR O NABAVCI NOTARSKIH USLUGA

Zaključen između ugovornih strana:

1. **UNIVERZITET U SARAJEVU**, Obala Kulina bana 7/II, Sarajevo, kojeg zastupa rektor prof. dr. Rifat Škrijelj (dalje u tekstu: **Naručilac**), ID broj: 4200494560007,
2. **NOTAR Nerminka Hamidović**, sa službenim sjedištem u Sarajevu, Općina Centar Sarajevo, Radićeva broj 2/II, 71000 Sarajevo, (u daljnjem tekstu: **Izvršilac**), ID: 4301493270006

I. PREDMET UGOVORA

Član 1.

Predmet ovog Ugovora je **nabavka Notarskih usluga** (u daljem tekstu: **Usluga**) za potrebe i po zahtjevu **Naručioca**.

Izvršilac se obavezuje da Uslugu izvrši u skladu sa Ponudom Izvršioca broj: P-1/22 od 11. 01. 2021. godine (u daljnjem tekstu: **Ponuda Izvršioca**), kao i pozitivnim propisima koji uređuju predmetnu oblast.

Ponuda Izvršioca je u prilogu i čini sastavni dio Ugovora.

II. VRIJEDNOST USLUGE

Član 2.

Vrijednost ugovorene usluge iznosi: **6.000,00 KM bez PDV-a** (*šest hiljada konvertibilnih maraka i 00/100*), što sa uračunatim PDV-om iznosi: **7.020,00 KM** (*sedam hiljada dvadeset konvertibilnih maraka i 00/100*).

Cijena obuhvata sve troškove koje **Naručilac** treba platiti **Izvršiocu** u vezi sa izvršenjem Usluge.

Ugovorene cijene iz stava 1. ovog člana su fiksne i neće se mijenjati za vrijeme trajanja ovog Ugovora.

III. MJESTO IZVRŠENJA USLUGE

Član 3.

Mjesto izvršenja Usluge je: **Notarski ured Nerminka Hamidović** sa službenim sjedištem u Sarajevu, Općina Centar Sarajevo, Radićeva broj 2/II, 71000 Sarajevo.

IV. NAČIN I ROK PLAĆANJA

Član 4.

Izvršilac se obavezuje dostaviti račun za izvršene usluge, na adresu **Naručioca**, zajedno sa izvještajem o izvršenoj usluzi, a **Naručilac** se obavezuje isti platiti u roku od 30 (trideset) dana od dana dostave, na transakcijski račun **Izvršioca** broj: 3389002200665103, otvoren kod UniCredit Bank d.d.

V. OBAVEZE NARUČIOCA

Član 5.

Naručilac se obavezuje da:

- imenuje ovlašteno lice za predstavljanje **Naručioca**;
- pruža svu neophodnu pomoć **Izvršiocu** usluge u cilju uspješne realizacije usluge;
- izvrši uredno plaćanje ispostavljenih poreski ispravne fakture.

VI. OBAVEZE IZVRŠIOCA

Član 6.

Izvršilac se obavezuje da:

- uslugu izvrši u skladu sa potrebama Naručioca i Ponudom Izvršioca;
- uslugu izvrši kvalitetno i uredno u skladu sa važećim propisima, pravilima i standardima struke za ovu vrstu posla, a sve u skladu sa zahtjevima Naručioca i Ponudom Izvršioca;
- štiti prava i interese Naručioca, te ga obavještava o toku realizacije ovog Ugovora;
- ispostavi poreski ispravnu fakturu za izvršenu uslugu;

VII. RASKID UGOVORA

Član 7.

Obje ugovorne strane zadržavaju pravo raskida ugovora.

Naručilac ima pravo jednostranog raskida Ugovora i pravo na naknadu eventualne štete u sljedećim slučajevima:

- ukoliko Izvršilac kasni sa vršenjem Usluge,
- ako kvalitet Usluge ne odgovara ugovorenom;
- ukoliko Izvršilac ne otkloni nedostatke po primjedbama Naručioca;
- ako Izvršilac iz bilo kojeg razloga izuzev više sile, dođe u situaciju da ne može izvršiti Uslugu.

U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa **otkaznim rokom od 7 (sedam) dana**.

Obavijest treba da sadrži razlog raskida.

U slučaju raskida ugovora, ugovorne strane su saglasne da će u svemu izvršiti međusobne uzajamne obaveze nastale do tog roka.

VIII. ZAVRŠNE ODREDBE

Član 8.

Ugovorne strane saglasne su da se za sva druga pitanja koja nisu regulisana ovim Ugovorom, a budu od značaja za implementaciju istog, kao supsidijarna pravila primjenjuju norme Zakona o obligacionim odnosima.

Član 9.

Ovaj Ugovor stupa na snagu kada ga potpišu i ovjere ovlašteni predstavnici ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Svi rokovi u vezi sa ovim Ugovorom, računaju se od dana stupanja na snagu ovog Ugovora, ukoliko posebnom odredbom nije ugovoren neki drugi datum kao početak toka roka.

Član 10.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka ugovorna strana. Svi primjerci važe kao original i imaju jednako pravno djelovanje.

Član 11.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.